

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
OPĆINA NOVI GRAD SARAJEVO  
Općinsko vijeće

Broj:01-02-19597/22  
Sarajevo, 1.11.2022. godine

## OPĆINA NOVI GRAD SARAJEVO OPĆINSKI NAČELNIK

PREDMET: Vijećnička pitanja i inicijative, dostavlja se

Na 18 radnoj sjednici Općinskog vijeća općinski vijećnici postavili su nekoliko vijećničkih pitanja odnosno pokrenuli su vijećničke inicijative sljedećeg sadržaja:

a) Vijećničke inicijative

### **-vijećnik Mehmed Karkelja-**

1. Molim nadležne da na osnovu zahtjeva Savjeta MZ „Švrakino Selo I“ sagledaju situaciju i stanje zgrada kolektivnog stanovanja koje datiraju iz različitih perioda gradnje, s tim da su na području dijela naselja, tačnije na području MZ „Švrakino Selo I“ građene jednim dijelom 60-tih godina (imaju kose krovove) a drugim dijelom kasnije 70-tih godina (ravni krovovi) prošlog vijeka što upućuje na hitno rješavanje pitanja daljnjeg propadanja zgrada.

Trenutno stanje zgrada građenih kasnih 60-tih godina je jako loše i sagledano iz više uglova počevši od stanja temelja zgrada radi nerješenih oborinskih voda, preko zapuštenih/poplavljenih podrumskih prostorija, oštećenih krovova, fasade zgrada, pa sve do izgleda naselja odnosno do mišljenja i stava građana kada je u pitanju odnos sa povjerenjem života u zajednici i njihova motiviranost za bolju saradnju na putu poboljšanja uslova za život. Napominjem da stanari radi socijalne slike nisu u stanju da participiraju u naprijed navedenim radovima (odnose se na zajedničke dijelove zgrada – nadležni Upravitelji).

Savjet MZ „Švrakino Selo I“ i ja kao općinski vijećnik apelujem na nadležne da se navedeno pitanje uzme u razmatranje kako bi se zgrade zaštitile u što većoj mjeri i na taj način izbjegla totalna devastacija i propadanje.

Napušteni, ruševni, stambeni objekat (dio barake) u ulici Alibega Firdusa broj 66., otkupljen od strane Mioč Žarko (više nije u životu, nema živih srodnika). Objekat predstavlja opasnost po život građana i prijetnju po javno zdravlje radi pojave prenosnika zaraze a u toku ljetnje sezone od 2020. godine primjećeni su pacovi i zmije, jer se objekat od nesavjesnih građana pretvorio u nelegalnu deponiju kabastog otpada a drugi dio posjeda je prepun šiblja, visokog i niskog rastinja, samoniklih stabala što znatno narušava stanje okoliša i izgled tog dijela naselja.

Molim nadležne da riješe navedeni problem prije sezone povećanih oborina jer će navedena sezona povećati potencijalne opasnosti po građane ove mjesne zajednice.

2. Obzirom da nisam dobio odgovor na inicijativu od 25.01.2022. godine i da se po istoj ništa nije uradilo ponovno upućujem istu nadležnim na daljnje rješavanje.

Molim nadležne da ispred ulaza u Osnovnu školu „Mehmedalija Mak Dizdar“ sa zapadne strane postave fizičku barijeru ( metalne ili betonske stubiće ) kako bi se spriječilo nesavjesnim vozačima parkiranje automobila koji onemogućavaju nesmetan ulazak djece u školu.

Obrazloženje:Na zapadnom prilazu i ulazu u Osnovnu školu „Mehmedalija Mak Dizdar“ u naselju Otoka nesavjesni vozači svakodnevno parkiraju osobna vozila posebno u ranim jutarnjim satima čime je onemogućen prilaz i nesmetan ulazak djece u ovu obrazovnu ustanovu. Postavljanjem fizičke barijere ovaj problem bi bio riješen.

3. Obzirom da nisam dobio odgovor na inicijativu od 30.11.2021. godine i da se po istoj ništa nije uradilo ponovno upućujem istu nadležnim na daljnje rješavanje.

Molim nadležnu službu da u najkraćem roku adekvatno obilježi pječački prelaz (postavljanje horizontalne signalizacije) te da se postave usporivači saobraćaja na prelazu sa pječačkog mosta na Otoci-Meandar i ulice Žrtava Fašizma.

Obrazloženje:Obzirom da veći broj naše djece najmlađih uzrasta dolaze iz pravca Otoka – Meandar u Osnovnu školu „Mehmedalija Mak Dizdar“ te da isti moraju preći i cestu prema ulici Žrtava Fašizma gdje se odvija vrlo intenzivan saobraćaj potrebno je odmah i bez odlaganja obilježi pječački prelaz (postavljanje horizontalne signalizacije) te postaviti usporivače saobraćaja a iz razloga zaštite djece od neodgovornih vozača te smanjenja i eliminacije mogućnosti saobraćajnih nezgoda.

4. Obzirom da nisam dobio odgovor na inicijativu od 30.11.2021. godine i da se po istoj ništa nije uradilo ponovno upućujem istu nadležnim na daljnje rješavanje.

Molim nadležnu službu da se spomenik ubijenim sugrađanima na području MZ Otoka ispred prostorija MZ Otoka adekvatno osvijetli.

Obrazloženje:Spomenik civilnim žrtvama rata na području MZ Otoka koji se nalazi ispred prostorija MZ Otoka je neosvijetljen i isti se u večernjim satima nalazi u potpunom mraku te nije zaštićen i uočljiv što je neprimjereno i nedopustivo te je kao takav podložan i mogućoj devastaciji i oštećenjima neodgovornih pojedinaca i grupa. S druge strane smatram da svi spomenici na području Općine Novi Grad pa tako i ovaj trebaju biti adekvatno osvijetljeni i uređeni.

5. Obzirom da nisam dobio odgovor na inicijativu od 30.11.2021. godine i da se po istoj ništa nije uradilo ponovno upućujem istu nadležnim na daljnje rješavanje.

Da se u ulici Oslobođenaca Sarajeva na mjestu ubistva-masakra devetero naših sugrađana gdje se nalazi spomen ploča sa datumom i opisom događaja dodaju imena i prezimena mučki ubijenih naših sugrađana. (Seida Baličević, Osman Hebibović, Emin Kolar, Enver Mustagrudić, Muškija Pribinja, Mirsad Spahić, Selima Spahić, Aiša Šito i Jadranka Tendžera).

Obrazloženje: Na molbu i zahtjev porodica i rodbine ubijenih naših sugrađana molim nadležnu službu da se u ulici Oslobođenaca Sarajeva gdje se nalazi spomen ploča sa opisom događaja - ubistva devetero naših sugrađana napišu i imena i prezimena ubijenih tog dana. Obzirom da je spomen ploča malih dimenzija i postavljena nisko na postolju potrebno je uraditi veću ploču i postolje sa identičnim tekstom uz dodatak imena i prezimena ubijenih tog dana.

6. Obzirom da nisam dobio odgovor na inicijativu od 30.11.2021. godine i da se po istoj ništa nije uradilo ponovno upućujem istu nadležnim na daljnje rješavanje.

Na osnovu člana 97. Poslovnika o radu Općinskog vijeća upućujem Vijeničku inicijativu:

Molim nadležne da na lijevoj obali Miljacke (na kraju mosta MCCLOSKY) postave zaštitnu metalnu ogradu u dužini od pet metara čijim postavljanjem bi bili zaštićeni pješaci a posebno djeca od nesretnog slučaja upada u rijeku Miljacku.

## -vijećnik Adi Škaljić-

1. Upućujem vijećničku inicijativu za upućivanje prijedloga za sporazumni prenos vlasništva nad zemljištem na južnom završetku ulice Srđana Aleksića (račvanje sa šetalištem uz rijeku), za potrebe izgradnje igrališta za djecu.

### OBRAZLOŽENJE

Naselje Otoka-Meander, koje je dio MZ Otoka, nema niti jedno dječije ili sportsko igralište. Svo zemljište oko objekta kolektivnog stanovanja je privatno, što općinu dugoročno onemogućava stanovnicima pruži normalan urbani život. Predlažem nadležnoj službi da na osnovu člana 26. Zakona o eksproprijaciji FBiH predloži sporazumni prenos vlasništva na općinu uz adekvatnu naknadu vlasniku parcele. Smatram da javni interes postoji, a sa tim su saglasni i članovi\_ice Savjeta MZ Otoka.

2. Upućujem vijećničku inicijativu za uvrštavanje u Program investicionog održavanja i rekonstrukcije cesta izgradnje trotoara ili oivičavanje prostora za kretanje pješaka zaštitnom ogradom u ulici Kraljice Jelene.

### OBRAZLOŽENJE

Ulicom Kraljice Jelene prije i nakon završetka nastave u Osnovnoj školi Mehmedalija Mak Dizdar kreće se veliki broj djece. Oni se iz ulice Žrtava fašizma stepenicama pored zgrade Toplana penju do saobraćajnice i svoj put nastavljaju nezaštićenom zonom. Ova ulica je okružena gustim raslinjem, pa su osvijetljenje i preglednost vrlo često umanjani. Smatram da bi postavljanje zaštitne ograde sa reflektirajućom trakom mogli onemogućiti eventualne saobraćajne nesreće i zaštititi pješake, a naročito učenice i učenike Osnovne škole Mehmedalija Mak Dizdar.

3. Upućujem vijećničku inicijativu za rekonstrukciju postojeće ili izgradnju nove fontane na Trgu nezavisnosti – Alipašino polje CII.

### OBRAZLOŽENJE

Ova fontana je centralni dio velike zelene površine na kojoj su sportska i dječija igrališta. Ista se trenutno nalazi u vrlo lošem stanju, a nedavno se desila neželjena situacija u kojoj je „za dlaku“ izbjegnuto utapanje djeteta. Molim vas da obnovu postojeće ili izgradnju nove fontane stavite među prioritetne projekte ovog tipa, kako bi ista dobila novi, prijeko potrebni sjaj, ali i postala manje opasna po mališane iz C-faze.

4. Upućujem vijećničku inicijativu za izgradnju teretane na otvorenom (streetworkout) na prostoru nekadašnjeg adrenalinskog parka na Alipašinom polju – CII.

### OBRAZLOŽENJE

Drvena konstrukcija nekadašnjeg adrenalinskog parka se već odavno raspala, a ovaj prostor je idealan za teretanu na otvorenom. S obzirom na to da u cijelom naselju, koje ima skoro 30.000 stanovnika, ne postoji sličan sadržaj (na otvorenom ili u zatvorenom prostoru), držim da je ovaj sadržaj izrazito potreban, a da je lokacija idealna.

5. Upućujem vijećničku inicijativu za zamjenu mobilijara i postavljanje nove, antistresne gumene podloge u dječijem igralištu u C fazi, Alipašino polje.

### OBRAZLOŽENJE

Dječije igralište koje se nalazi u blizini fontane u izuzetno je lošem stanju. Mobilijar je dotrajavao i opasan za korištenje, a podloga je tvrda, što nije u skladu sa modernom praksom. Zbog svega navedenog igralište u ovom stanju je opasno, a njegovo korištenje nemoguće.

6. Upućujem sljedeće vijećničko pitanje:

Koje dozvole/saglasnosti/odobrenja nedostaju za početak izgradnje parkinga pored Osnovne škole Fatima Gunić na Alipašinom polju?

### OBRAZLOŽENJE:

Na osnovu razgovora sa pojedinim članovima savjeta mjesne zajednice kojoj pripada lokalitet

na kojem je u planu izgradnja parkinga, dobio sam informaciju da su na dan 10.10.2022. nedostajala određena odobrenja kako bi se krenulo u realizaciju projekta. Molim vas da u odgovoru napišete o kojim aktima se radi.

7. upućujem vijećničku inicijativu za postavljanje automatske elektronske rampe za kontrolu ulaska vozila na parking u Gandijevoj ulici (sukladno zahtjevu 161 stanara dostavljenog Službi za lokalnu samoupravu 26.9.2022. godine).

**OBRAZLOŽENJE:**

Pored novoizgrađene zgrade koja se nalazi na području Opštine Istočna Ilidža nalazi se parking površina za koju su određeni stanari dobili propusnice. Ne jani su kriteriji do kojih su neki od stanara došli do istih, a neki nisu. S obzirom na to da ne postoji sistem kontrole ulaska vozila, čini se da se stanari sa propusnicama trebaju osloniti na službenike Ministarstva unutrašnjih poslova.

Za ovaj problem postoji elegantno rješenje, a to je izdavanje kartica svim stanarima i postavljanje automatske rampe sa skenerom za očitavanje kartica. 161 stanar\_ka je potpisao zahtjev koji je služba zaprimila prije dva mjeseca. S obzirom da do sada nije bilo efekta, a nije ni zakazana tematska sjednica savjeta nadležne mjesne zajednice, ovom inicijativom tražim da nadležna služba što prije razmotri zahtjev stanara i riješi dugogodišnji problem saobraćaja u mirovanju ovom dijelu Dobrinje.

**-vijećnik Silvije Kristić-**

1. Molim službe da mi dostave informaciju o realizaciji projekta izgradnje i uređenja igrališta za djecu vrtića Žubor i udruženja Oaza?

**Obrazloženje:**

Dobio sam informacije da navedeno igralište nije prilagođeno svim osobama kojima je namijenjeno te da nije obezbijeđeno od ulaska drugih osoba koje su već napravile materijalnu štetu na rekvizitima na istom.

2. Podnosim inicijativu za hitnu pomoć četvrtoj policijskoj upravi PS Novi Grad Sarajevo i to: Krim službi pomenute policijske stanice u vidu nabavke informatičke opreme i to: Računar/Laptop – 2 komada, Printer – 3 komada

Zbog otežanih uslova nabavke pomenute opreme uslovljene zakonom o javnim nabavkama ovaj odjel već duži period ima smanjene kapacitete u izvršavanju svakodnevnih administrativnih zadataka što direktno može uticati na efikasnost u zaštiti reda i mira u našoj opštini. Molim službe da hitno razmotre inicijativu i doniraju gore pomenutu opremu kako bi našim policajcima olakšali bar dio svakodnevnih obaveza.

3. Molim Službe i direktora JP Lokom da mi odgovore na slijedeća pitanja u vezi sa strelištem Žuč?

- Na koji način je predviđeno upravljanje strelištem?
- Na koji način i objavljen konkurs za zakup termina na strelištu?
- Koji su uslovi bili za prijavu na poziv?
- Ovlaštena institucija koja je certificirala instruktore klubova koji su potpisali ugovore za korištenje strelišta?
- Cijene zakupa za klubove sa kojima je ugovor potpisan na mjesečnom nivou?

4. Podnosim inicijativu za hitnu sanaciju potpornog zida u ulici Geteova 7, Alipašino Polje C Faza. Pomenuti potporni zid je ujedno i prilazni put za osobe sa invaliditetom koji zbog nekontrolisanog rasta korijenja obližnjih stabala oštećen i predstavlja opasnost za stanare ove ulice. Pored toga daljim

urušavanjem bit će onemogućen pristup stanařima u invalidskim kolicima pa je zbog nadolazeće zime neophodna hitna sanacija istog.

**-vijećnik Dino Okerić-**

Ispred kluba Narod i Pravda Novi Grad, a na osnovu Uredbe Vlade FBiH o isplati neoporezivog dijela prosječne plate u FBiH (Cca 1.000,00 KM) podnosim inicijativu prema nadležnoj općinskoj službi da se rebalansom budžeta za 2022 godinu obezbijede sredstva u iznosu od 1.000,00KM za svakog uposlenika Općine NG, kao i uposlenike Lokom doo. Sredstva je potrebno isplatiti najdalje do kraja tekuće godine kako to Uredba nalaze, u suprotnom ista će se porezno tretirati. Tražimo da se „hitno“ razmotri inicijativa i što prije poduzmu sve potrebne predmetne aktivnosti u realizaciji iste.

**-vijećnik Mirza Selimbegović-**

1.Podnosim inicijativu da Općina Novi Grad Sarajevo dodjeli na dugotrajno korištenje općinske prostore, a koji ispunjavaju propisane uslove, za otvaranje novih organizacionih jedinica/vrtića u okviru Javne Ustanove „Djeca Sarajeva“ Sarajevo. S obzirom na sve benefite za zdrav razvoj djece predškolskog uzrasta kroz predškolski odgoj i obrazovanje, neophodno je da Općina Novi Grad Sarajevo podrži razvoj ovog jako bitnog segmenta odgoja i obrazovanja, na način da će općinske prostore dodijeliti na dugotrajno korištenje Javnoj ustanovi „Djeca Sarajeva“ Sarajevo.

2.Pokrećem inicijativu da se započnu neophodne aktivnosti na planiranju i izgradnji organizacione jedinice/vrtića Javne ustanove „Djeca Sarajeva“ Sarajevo, kapaciteta šest i više odgojnih grupa, na adekvatnoj lokaciji između Brijesća i Dobroševića. Naime, na navedenom području nema registrirana niti jedna predškolska ustanova (ni privatna niti javna), te su građani, roditelji malodobne djece sa navedenog područja prinuđeni upisivati svoju djecu u vrtiće udaljene više od 5KM od mjesta stanovanja.

3.Pokrećem inicijativu prema Općinskom načelniku da putem nadležne službe dostavi raspoložive poslovne prostore u vlasništvu općine u Mjesnim zajednicama zajednicama Brijesće, Naselje Heroja Sokolje, Zabrđe, Reljevo, Buča potok, Dolac, Alipašin most 1 i 2, i Dobroševići koji bi se mogli dodijeliti na korištenje Javnoj ustanovi „Djeca Sarajeva“ Sarajevo za osnivanje novih predškolskih ustanova /vrtića.

4.Pokrećem inicijativu da se započnu neophodne aktivnosti na planiranju i izgradnji organizacione jedinice/vrtića Javne ustanove „Djeca Sarajeva“ Sarajevo, kapaciteta četiri i više odgojnih grupa, na lokaciji naselja Nova Otoka.

5.Podnosim incijativu da se prilikom izrade ili izmjena regulacionih planova na području općine, prilikom planiranja novih stambeno-poslovnih objekata sa 500 stotina i više stambenih jedinica (stanova) obavezno planira predškolska ustanova u krugu od maksimalno 500m od planiranih stambeno poslovnih objekata.

6.U kojoj fazi je realizacija aktivnosti na stavljanju u funkciju poslovnog prostora u ulici Omladinskih radnih brigada (bivši Tom Taylor) na Dobrinji za potrebe organizacije novog vrtića Javne Ustanove „Djeca Sarajeva“ Sarajevo?

**7. INICIJATIVA ZA POVEĆANJE DOBNE GRANICE ZA SUFINANSIRANJE KAMATNE STOPE ZA STAMBENO FINANSIRANJE MLADIH KOJI PRVI PUT RJEŠAVAJU STAMBENO PITANJE**

Podnosim inicijativu da se u okviru javnog poziva za sufinansiranja kamatne stope za stambeno finansiranje mladih poveća gornja dobna granica sa 35 godina na 40.

U postpandemijskim uslovima i visokih inflatornih kretanja na tržištu nekretnina predlažem da se dobna granica poveća na 40. godina jer postoji veliki broj bračnih parova koji su bez riješenog stambenog pitanja, a imaju preko 35 godina.

Obzirom da je na prošlom javnom pozivu u 2021. samo jedna osoba dobila poticaj, ovom inicijativom želimo da što veći broj korisnika iskoristi subvenciju i planirana sredstva budžetom.

Napomena: Isti javni poziv je objavila Općina Konjic i na njihovom konkursu je dobna granica 40 godina.

### **-vijećnica Enisa Spahić-**

#### **1. INICIJATIVU ZA OBNOVU I ODRŽAVANJE DRVOREDA PORED NOVOIZGRAĐENOG TROTOARA OSNOVNE ŠKOLE ALEKSA ŠANTIĆ**

Molim da se obnovi drvodred u ulici Branislava Nušića kod br.85., pored trotoara prema osnovnoj školi "Aleksa Šantić". Izgradnjom novog trotoara za potrebe đaka osnovne škole, zasađeno je 16 novih sadnica, od kojih se 13 ili 80% zbog neadekvatnog održavanja osušilo. Molim da se i zeleni pojas pored trotoara na kome se nalaze sadnice redovno održava, kosi. Osušene sadnice uz zaraslu i zapuštenu zelenu površinu predstavljaju ruglo u najprometnijem dijelu ulice kojom se svakodnevno kreću đaci na putu ka osnovnoj školi.

#### **2. INICIJATIVU ZA HITNU SANACIJU OTVORENOG ŠAHTA U ULICI BRANISLAVA NUŠIĆA**

Više od godine dana pokrećem inicijativu za sanaciju pomenutog šahta koji predstavlja sigurnosnu prijetnju posebno u večernjim satima kada se šaht gotovo i ne vidi zbog loše rasvjete zbog čega je nekoliko naših sugrađana propadanjem u šaht zadobilo lakše povrede.

Drveni poklopac postavljen u aprilu mjesecu, znači prije 7 mjeseci, kao privremeno rješenje zbog frekvencije vozila, u ulici se nalazi automehaničarska radnja, znatno je oštećen, daske napukle.

Sve što su do sada uradili iz KJKP ViK, u aprilu sprejom crvene boje na drvenom poklopcu napisali slovo "Š".

Molim da se hitno postavi adekvatan poklopac na šahtu prije nego strada neko dijete, starija osoba, prolaznik ili se desi neka veća materijalna šteta na vozilima.

### **-vijećnica Nejra Džanko-**

1. Ispred Savjeta mjesne zajednice Dobrinja B, podnosim inicijativu za sanaciju dijela pješačke staze iza Trg Sabora Bosanskog prema obnovljenom velikom igralištu.

2. Ispred Savjeta mjesne zajednice Dobrinja B podnosim inicijativu za uređenje – čišćenje pješačke staze između igrališta u ulici Hamdije Kapidžića kod br.5 prema džamiji.

### **-vijećnik Hadžan Konjo-**

Pokrećem inicijativu da se u ulici Adema Buće do broja 406 postavi saobraćajno ogledalo.

Obrazloženje: Na ovom dijelu pomenuta ulica se račva pod pravim uglom, te je preglednost kolovoza minimalna. Stanovnici ovog dijela naselja smatraju da bi postavljanjem saobraćajnog ogledala bila podignuta sigurnost svih učesnika u saobraćaju, kao i pješaka, te velikog borja učenika koji se kreću ovom ulicom na putu do škole.

### **-vijećnica Jasmin Smječanin-**

1. U kojoj fazi je izgradnja spomen obilježja Braci Kadić.  
Molim vas da mi dostavite detaljne informacije o aktivnostima koje ste poduzeli do sad vezano za ovaj projekat.  
Isto ovo za spomen obilježje " Krila Slobode" na lokalitetu brda " Žuč"
2. Molim vas da mi odgovorite u kojoj fazi je rekonstrukcija ulica Mustafe Muje Pasica i ul: Hadzi Ahmeda Kandelije MZ Alipasin Most 1, Prilaznog puta prema ambulanti na pomenutoj MZ. S obzirom da trenutni prilazni put nije adekvatan i da je otežano kretanje pjesaka i automobila
3. Molim vas detaljne informacije sta je do sad poduzeto i uradjeno vezano za rekonstrukciju ul: Smaila Šikala od Autobuske okretaljke do Škole Umihana Čuvidina. Sta je uradjeno i u kojoj fazi izgradnji djecijeg mobilijar kod novoizgrađene dvorane u sklopu škole Umihana Čuvidina.
4. U kojoj fazi je izgradnja sportske plohe u blizini željezničke stanice u MZ Alipasin most 1  
Zasto se kasni sa završetkom radova na izgradnji dionice od Kružnog Toka prema MZ Alipasin most (U naselju Boljakov Potok) spajanju s 9 transverzalom. Uzimajući u obzir da je rok za završetak radova bio 11.10.2022. godine

### **Ponavljam inicijative sa 17. sjednice Općinskog vijeća na koje nisam dobio odgovor nadležnih.**

5. Savjet mjesne zajednice „Alipašin Most I“ traži od Ministarstva saobraćaja Kantona Sarajevo tačne i precizne informacije o datumu nastavka radova na izgradnji kružnog toka IX transverzale.  
Obrazloženje: U prostorije Mjesne zajednice „Alipašin Most I“ svakodnevno dolaze stanovnici Mjesne zajednice koji se žale na zapušteno gradilište kružnog toka i blokiranje nastavaka izvođenja radova na izgradnji kružnog toka IX transverzale. Pored neadekvatnog izgleda i otežanog kretanja motornih vozila i pjesaka, gradilište predstavlja i veliku opasnost za građane zbog neadekvatne ograđenosti. Mjesna zajednica Vam se obraćala više puta za dostavljanje informacija o projektu IX transverzale i nastavku radova na izgradnji kružnog toka, ali bez tačnih i preciznih odgovora, već uvijek ono što je općepoznato, ali neprihvatljivo za stanovnike ovog i okolnih naselja.
6. Postavljanje sigurnosnih i nadzornih kamera na lokalitetu MZ Alipasin Most 1, Ulica Safeta Zajke, početak ulice Smaila Šikala kod OŠ Umihana Čuvidina postojeca kamera nije u funkciji  
Spoj ulice Smaila Šikala i Ragiba Dzinde  
Autobuska okretaljka u ul: Smaila Šikala  
Postavljanje ovih kamera bi osiguralo dodatnu sigurnost i bezbjednost stanovnicima ove MZ

### **-vijećnik Adis Pljevljak-**

1. S obzirom da sam već upućivao inicijativu i problematizirao zapužavanje hair cesme Ramiz Salcin, a nista se nije uradilo, opet pokrećem inicijativu da se pod HITNO cesma dovede u stanje kakvo dolikuje našem heroju.
2. Da se u redovno održavanje, (ciscenje i saouranje na sedmicnom nivou)stavi podvoznjak ispod mosta na Aneksu.
3. Da se u redovno održavanje, ciscenje i odrazavanje zelene površine iza trolejbuske stanice kod tuzilastva (stanica koja je u smijeru grada).
4. Da se na dnu, na samom početku, ul Kenana Demirovica napravi malo igraliste za basket. Na prostoru koji stoji ne iskoristen, a ima dovoljna površina da navedeno igraliste.

### **-vijećnica Merjem Ridžal-**

#### **1. INICIJATIVU ZA OBEZBJEĐIVANJE KUPOVINE FEDERALNIH TAKSI U PROSTORIJAMA OPĆINE**

Predlažem da se u prostorijama zgrade Općine Novi Grad Sarajevo obezbjedi kupovina federalnih taksi što bi građanima znatno olakšalo i ubrzalo rješavanje administrativnih poslova obzirom da sada građani mogu kupiti federalnu taksu u zgradi AFIP koja je udaljena oko 1km od zgrade Općine Novi Grad Sarajevo.

#### **2. INICIJATIVUZA POSTAVLJANJE KANTI ZA SMEĆE NA OTOCI**

Predlažem da se na raskrsnici Otoka odnosno na autobuskim stajalištima u pravcu prema Buća potoku i na glavnoj saobraćajnici u smjerovima ka i od centra Sarajeva postave kante za otpatke.

3. Pokrećem inicijativu da se od sljedeće godine produži rok javnog poziva o dodjeli jednokratne novčane pomoći porodicama sa četvero i više djece na području Općine Novi Grad Sarajevo odnosno da isti ostane otvoren kontinuirano tokom cijele godine iz razloga što je rok od 30 dana prekatak, a i neke porodice dobiju djecu mimo tog roka, i ne mogu ostvariti pomoć u toj godini.

Isto tako, zbog čega je u Nacrtu budžeta za 2023. godinu smanjen iznos za pronatalitetnu politiku, i koliko je 2022. godine potrošeno za te potrebe.

### **-vijećnica Aida Ožegović-**

Podnosim inicijativu za postavljanje znaka zabrane skretanja u desno sa parking u jednosmjernu ulicu  
Obrazloženje:

Podnosim inicijativu za postavljanje saobraćajnog znaka zabrane skretanja u desno sa parkinga iz ulice Rudija Alvađa 18 u jednosmjernu ulicu Hakije Turajlića. Kompletnom ulicom Hakije Turajlića se odvija jednosmjerni saobraćaj, nesavjesni vozači svakodnevno koriste kraći put za izlazak iz naselja ulaze u jednosmjernu ulicu vozeći u nedozvoljenom pravcu. U naselju je veliki broj djece ali i automobila što bi moglo izazvati nesagledive posljedice. Moli da se inicijativa prosljedi Ministarstvu za saobraćaj KS.

### **-vijećnik Adis Šahmanija-**

Podnosim inicijativu za nabavku FM uređaja za Zilić Lejlu ,učenicu V razreda O.Š. „Sokolje“ .u skladu sa čl.18. stav 2. Zakona o upotrebi znakovnog jezika u Kantonu Sarajevo (Sl. novine KS 11/11) te, čl. 66. i čl. 69. stav 4 Zakona o osnovnom odgoju i obrazovanju KS (sl.novine KS 23/17.) i čl. 5. Pravilnika o načinu i obliku provođenja odgojno obrazovne podrške i stručnog tretmana (sl.novine KS 29/17.)Naime ,Zilić Lejla je djevojčica koja ima ugrađeni kohleri implantant i uključena je u redovni obrazovni proces. U Kantonu Sarajevo je trend da se djeca sa invaliditetom/poteškoćama u razvoju uključuju u redovan obrazovni proces -inkluzivno obrazovanje smatram da mi kao lokalna zajednica trebamo pružiti bezrezervnu podršku Lejli i pomoći joj da stekne kvalitetno obrazovanje rame uz rame sa svojim vršnjacim bez obzira na svoj invaliditet.Bosna i Hercegovina usvojila i ratifikovala UN Konvenciju o pravima osoba sa invaliditetom a u čl. 24., koji se odnosi na Obrazovanje jasno i decidno obavezuje države potpisnice šta trebaju učinit na implementaciji istoga. Pozivajući na Opšti komentar br. 4 (2016) o pravu na inkluzivno obrazovanje i cilj održivog razvoja 4 i naročito podciljeve 4.5 i 4.8, država članica treba da intenzivira svoje napore ka inkluzivnom obrazovanju, a naročito:



da osigura pristupačnost školskog okruženja u skladu s Konvencijom, uključujući između ostalog razumno prilagođavanje, pristupačne i prilagođene materijale i inkluzivni nastavni plan i program. Vrijednost FM uređaja koji je kompatibilan i za djecu koja nose slušne aparate i koja imaju ugrađeni kolhlearni implantat je 2.500 KM.

### **-vijećnik Elvis Hodžić-**

#### **Ponovljene inicijative sa prethodnih sjednica:**

1. Podnosim inicijativu za obnovu obilježja ubijenim civilima na Otoci, u ulici Žrtava Fašizma, iz razloga jer je istoo u katastrofalnom stanju što je nedopustivo i ispod svake časti i poštovanja prema žrtvama kao i porodicama istih.

2. U kojoj fazi je izgradnja spomen obilježja na „Dobrinjskoj barikadi“?

Da li nam mogu prezentirati idejno rješenje?

Kada ce biti završeno?

Obrazloženje:

Prije nekoliko godina podnijeta je inicijativa od strane vijećnika Samira Cajica za izgradnju prikladnog spomen obilježja na pomenutoj lokaciji. Trenutno spomen obilježje se nalazi uz potporni zid u vidu ploce 50cmx70cm cca, skoro nevidljivo za ljudsko oko. Postavljeno je nisko i kao tako jako cesto ga psi koriste za obilježavanje teritorije. Smatram da je to ispod svake casti i dostojanstva, te da pomenuta lokacija na kojoj je smrtno stradalo i ranjeno na hiljade nasih sugrađjana zasluzuje impozantno arhitektonsko rješenje.

3. Podnosim inicijativu za rješavanje problema komunalnog održavanja područja „novoizgrađenih“ stambenih blokova i trgova ( Tibra B.Potok, i drugi).Iako vlasnici stambenih jedinica uredno placaju komunalne naknade i troskove, ne cisti se navedeno podrucje. Time se ovi gradjani dovode u podredjen položaj ne svojom krivicom.Neka naselja se ne ciste i ne održavaju vec duze od deset godina.Kako sam saznao u neformalnom razgovoru od direktora KJKP Rad Sarajevo gosp. Tinjak Fahrudina, problem je nastao usljed nerjesenih vlasnickih odnosa te komunalno preduzece ne moze i nema nadleznost uci u posjed jer se jos uvijek vodi kao vlasnicka parcela investitora, a prenos vlasnistva u javno nikada nije izvršen.Iz općinske sluzbe za urbanizam sam dobio potvrdu navoda direktora KJKP Rad te da je sve tacno i da podrzava inicijativu. Molim u ime gradjana da se hitno pokrenu potrebne procedure kako bi se pomenuti nedostaci otklonili te omogucilo redovno komunalno održavanje.

Napominjem da gradjani redovno placaju usluge koje se ne isporucuju.

4. Inicijativa za donosenje neophodnih propisa tretiranja zapustenih i neodržanih zemljista i objekata u privatnom vlasnistvu koji predstavljaju opasnost.Prije tri godine sam pokrenuo inicijativu kako bih upozorio na problem i propust nepostojanja propisa koji bi regulisali oblast zapustenog zemljista u privatnom vlasnistvu a koje predstavlja hazard/ opasnost po zdravlje ljudi,ekolosku opasnost, predstavlja sigurnosnu prijetnju i kvari imidz ukupne slike podrucja na kome se nalazi.Opcinski organ i nadlezne sluzbe trenutno nemaju uporište u zakonu kako bi sprijecili i onemogucili vlasnike navedene površine i objekte osiguraju i održavaju,odnosno otklone eventualne opasnosti sa istih jer nemaju pravo ulaska na privatni posjed.

Shodno tome, predlažem hitno razmatranje ovog problema i donosenje adekvatnih mjera.

**5. INICIJATIVA ZA IZRADU PLANA I STRATEGIJE RAZVOJA TURIZMA I HISTORIJSKO-KULTURNOG NASLIJEĐA NA PODRUČJU OPĆINE NOVI GRAD SARAJEVO**

Obrazloženje prijedloga inicijative: Ova strategija podrazumijeva lokalitete koji su od posebnog značaja za očuvanje tekovina iz prethodnog rata, te objekata koji bi se stavili u svrhu razvoja turističke ponude. Strategija će obuhvatiti sve potrebne segmente i neophodne korake kako bi se osigurali adekvatni preduслови za što bolju i kvalitetniju ponudu, razvoj društveno kulturnog sadržaja i ekonomskog potencijala, u cilju stvaranja što bolje turističke ponude na području naše Općine.

6. Vijećničko pitanje prema nadležnoj službi i ministarstvu: šta se dešava sa građevinskom i nelegalnom ogradom na Alipašinu Polju A faza, na Trgu Međunarodnog prijateljstva, kada će biti uklonjena, i kad će se zemljište privesti krajnjoj namjeni.

7. Pokrećem inicijativu da se napravi registar lica koji stanuju u iznajmljenom stanovima i mehanizam kojim bi se stanodavci obavezali da daju informacije MZ.

### **-vijećnik Mirza Memišević-**

1. da se izmjeni Uredba Vlade Kantona Sarajevo prema kojoj je regulisano da se stanovi izvan sezone grijanja zagrijavaju tek ako je vanjska temperatura zraka ispod 12 stepeni dva dana zaredom. Umjesto ovog načina predlažem da se prati prognoza jutarnjih i večernjih temperatura zraka. Kada prognoza pokaže da će jutarnje i večernje temperature biti ispod 12 stepeni to bi trebao biti signal za početak zagrijavanja stanova.

Obrazloženje: građani se smrzavaju nekoliko dana jer je vanjska temperatura niska i utiče i na to da se stanovi hladni nekoliko dana do početka zagrijavanja stanova. Posebno su za to zainteresovani roditelji sa malom djecom ali i svi korisnici Toplana. U periodu čekanja da Toplane započnu zagrijavanje, građani alternativno stanove zagrijavaju trošeći električnu energiju.

2. da se razmotri odvožnja otpada izvan termina kada su najveće gužve u saobraćaju. Svjedoci smo da kamioni preduzeća Rad dodatno prouzrokuju gužve u saobraćaju jer prazne posude za prikupljanje otpada u trenutku dok kamion stoji na ulici.

3. da li su Toplane naručile dovoljne količine plina? Koje količine plina su Toplane naručile? Ova pitanja su postavljena u kontekstu dešavanja iz januara prošle godine kada su niske temperature uzrokovale povećanu potrošnju plina i privremeni prelazak na alternativni energent zbog ubrzane potrošnje i posljedično nedostatka plina.

4. S obzirom da se ignorisanjem postavljenih pitanja zašlo u grubo kršenje Poslovnika o radu Općinskog vijeća Novi Grad Sarajevo Član 97. Stav 7 još jedanput ponavljam pitanja i insistiram na odgovorima Predsjedavajućeg Općinskog vijeća Mirze Selimbegovića koji se prema navedenom članu stara da vijećnici dobiju odgovore: Da li je na obilježavanje godišnjice stradanja u Kalinoviku otišlo rukovodstvo ili dio rukovodstva Općinskog vijeća ili neki drugi vijećnici? Na koji način je napravljen odabir vijećnika koji su išli na obilježavanje?

Da li vijećnici koji su išli na obilježavanje službenim vozilom isti dan bili i selu Umoljani, koje i nije tako usputno mjesto na relaciji Kalinovik - Sarajevo i obrnuto. Kojim povodom su, ako su bili, posjetili Umoljane?

5. da se popravi rasvjeta u ulici Ramiza Salčina - krak koji vodi do osnovne škole "Aleksa Šantić" od broja 170-194 (ulica u kojoj je stradalo dijete)

6. da se postave usporivači saobraćaja na Trgu nezavisnosti u dvije ulice koje sijeku naselje (kod bivše pekare Aspek i kod kafića “Caffe4all”)

7. da se poveća broj invalidskih parking mjesta na Trgu nezavisnosti. Prema riječima jedne od stanovnica tog naselja obilježena su 4 mjesta, a na tom području su registrovana 22 invalidna lica.

8. da se provjeri potreba za do sad obilježenim brojem parking mjesta za invalidna lica na parking u ulici Geteova preko puta ulaza 12 jer prema riječima sugrađana minimalno dva parking mjesta za invalidna lica kontinuirano su prazna.

9. da se poprave klupe u ulici Adija Mulabegovica kod broja 6 i kod Telemacha kod broja 10 u naselju Vojničko Polje.

10. da se postave korpe za otpad u ulici Hasana Sućeske kao i iza zgrada iste ulice, preciznije na prostoru za rekreaciju iza RAD-ove garaže br. 3.

SEKRETAR  
OPĆINSKOG VIJEĆA

Elvir Kosovac, dipl. pravnik

DOSTAVITI:

1. Naslovu
2. Predsjedavajući Općinskog vijeća
3. a/a